



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quinam ad accusandum admittantur, & qui ab eo repellantur?

[urn:nbn:de:hbz:466:1-61641](#)

capite, de quibus *Glossa in cit. cap. super his V.* oportet, aut quod per modum simplicis querelæ procedatur, nulla sit necessaria inscriptio.

§. II.

Quinam ad accusandum admittantur, & qui ab eo repellantur?

Generaliter loquendo non tantum ad suam, siverumque injuriam prosequendam, quilibet accusare potest, sed etiam ad vindictam publicam, nisi specialiter & expressè reperiatur iure prohibiti, qualiter prohibentur primò Clerici accusare criminaliter ad vindictam publicam Laicos, non tantum ob irregularitatis periculum, si pœnâ sanguinis afficiatur accusatus, sed quod reverentia statûs etiam exigat, his odiosis litigii, & minus laudabilibus accusationibus se non immiscere; Si tamen accusculo suam, siverumque injuriam prosequantur, vel Ecclesia suæ injuriam prosequatur, nullum periculum subit irregularitatis incurrerendz, etiamsi accusatus pœnâ sanguinis afficeretur, modò contra protestetur talis accusans Clericus, quod hic & nunc non velit agere ad vindictam publicam, sed ad suum tantum, aut suorum, aut suæ Ecclesie interesse.

Secundò prohibentur Laici de criminis vindictam publicam accuseare Clericos e. *Cm. §. 10. b. t.* tum propter reverentiam, quæ a Laicis debetur Clericis, tum quod sèpius præsumi possit, ex odio, quo Laici in Clericos feruntur, provenire talis accusatio. Tertiò prohibentur ob defecatum ætatis pupilli v. g. quod ob lexus verecundiam, & fra-

Compedit. Pirking.

gilitatem, feminæ. Quinid infames & criminosi, iuris quidem infamia infames ab utroque jure repelluntur, facti tamen infamia infames, saltem de jure Canonico. Sextò repellî etiam potest ab accusando excommunicatus majore excommunicatione. Septimò Liberi contra parentes ad accusandum non admittuntur, ut & liberti contra suos patronos, ob reverentiam scilicet, quæ his ab illis debetur. Octavò non admittuntur contra Christianos ad accusandum pagani & Gentiles, nec heretici contra Catholicos, nec pauperes (nisi honestæ vitæ hic sit) nec accusati criminaliter, ad reaccusandum suum accusatorem, pendente accusatione; utri & plures alij, de quibus tamè sèpe conceditur, quod in criminibus exceptis lèse, v. g. Majestatis, Simoniae &c. aut si suam, siverumque injuriam prosequantur, ad accusandum admitti possint & debeant.

§. III.

Quaratione repellatur quis ab accusando ob inimicitiam.

Inimicitia, quam quis haber cum altero, si gravis est, ab accusando ordinariè repellit, (eo quod talis potius vindictæ causâ, quam justitiae zelo ad accusandum moveri videatur) non tantum eum, qui talē inimicitiam gerit, sed etiam ei cohabitantes, familiares, sèpius cum talibus inimicis conversantes, qui pro inimico testimoniumulerunt, ob affectionem scilicet nimiam, quam præsumuntur ad invicem habere, & hinc non tantum ab accusando repelluntur,

Xxx

sed